

JEAN XXII : la bulle "QUIA IN FUTURORUM"

(Boniface VIII liber sextus decretalium, 1585, p. 79-83)

Quia in futurorum eventibus sic humani fallitur incertudo judicii, ut quod conjectura probabili ex nunc, interdum attenta consideratio utile pollicetur, reperiri damnosum quandocunque contingat : nonnum quam quod consulte statuitur, ex sanioris inspectione judicii consultius revocatur.

Sane felicis recordationis Clemens Papa quintus praedecessor noster attente considerans generale passagium in concilio Vienensi pro terrae sanctae subsidio salubriter ordinatum, per torneamenta et hastiludia sive juxtas non leviter impediri : tum quia frequenter sic ipsum passagii negotium prosecuturos exinaniant, quod ad eius executionem efficiuntur impotentes : tum quia interdum quamplures a crucis assumptione retrahunt, dum ab illis abstinere (aliis ea exercentibus) embescunt : torneamenta ipsa et hastiludia sive juxtas in regnis Franciae, Angliae et Alemaniae et aliis nonnullis provinciis, in quibus ea consuevere frequentius exerceri, specialiter interdixit : in facientium ea vel ad id eis praestantium apem consilium, vel consensum, et illorum etiam, in quorum locis, vel districtibus fierent non prohibentium hoc cum possent et illorum procedentes ad illa in domibus suis recipientium, vel commercium quomodolibet exercentium cum eisdem, in personas, excommunicationis, et in terras, interdicti sententias promulgando, absolutione ab excommunicatione huiusmodi praeterquam in mortis articulo sedi apostolicae reservata. Verum quoniam (ut intelleximus) per sententiam huiusmodi periculum

animabus ingeritur, et pro eo maxime negotio dicti passagii derogatur : quia nonnuli militari cingulo abstinent, et quia vacare militiae metu praesertum ipsius sententiae non presumunt, propter quod idoneos et voluntarios ad terrae predictae subsidium in regnis eisdem contingit pauciores solito reperiri : Nos ad dilectum filium nobis viri Philippi clarae memorie regentis Franciae et Navarrai regis, et aliorum de domo regia, necnon quamplurimum magnatum et nobilium, tam in regno Franciae quam aliunde considerantium premissa discrimina repetitae supplicationis instantiam, sententias excommunicationis et interdicti praesatas praemissorum supplicationibus inclinati, et ducti considerationibus aliis in favorem saepfati negotii, de fratrum nostrorum consilio revocamus : eos qui propter exercitium torneamentorum seu hastiludiorum ipsorum huiusmodi sententias incurserunt absoluentes ab illis, et cum eis qui sic ligati, vel in locis propterea interdictis divina celebrarunt officia, super irregularitate inde contracta auctoritate Apostolica dispensantes. Datum Lugduni, XVI. Calend. Octobris, anno primo.